





*[Faint, illegible handwritten text, likely bleed-through from the reverse side of the page.]*

1699  
/ )  
20  
0  
to



1.  
2.  
3.  
4.  
5.  
6.  
7.  
8.  
9.  
10.  
11.



1639.

1. Cellarius, Balthasar : De moneta seu re nummaria
2. Cellarius, Balthasar : De maiestate ac maiestatis  
juribus.
- 3.<sup>at</sup> Ifigius, Ursperg : De thesauris eorumq. jure  
2 Supt. 1639. & 1699. 3
- 4.<sup>at</sup> Fomannus, Christophorus : De obsequio Supt. 1639 & 1699
- 5.<sup>at</sup> ~~Fomannus, Christophorus~~ Pneschenck, Zacharius : De jure aggratiandi seu  
indulgentiae veniae poenae.
6. Pneschenck, Zacharius : De processu inquisitorio
- 7.<sup>at</sup> Pneschenck, Zacharius : De exactione sive  
subinfundatione.
8. Richterius, Christophorus Philippus : De iuramento  
mirumtionis
9. Marguardus, Petrus : De empiriamate.
10. Theodoricus, Petrus : De tutelio.
11. Theodoricus, Petrus : De iuramento calumnie

1639.

12<sup>a</sup> = Ungewiss, Erasmus: De expectatio feudorum.

2 Semst. 1639 = 1698.

13<sup>a</sup> = Ungewiss, Erasmus: De absentia 2 Semst. 1639 = 1698.

14. Ungewiss, Erasmus: De deposito.

15<sup>a</sup> = Ungewiss, Erasmus: De erroribus Justinianus.

2  
f.

1111



100





~~24~~ 23.

*f. 21. num. 4. P. 40. 34.*

1639, 4<sup>b</sup>

6/

DISPUTATIO JURIDICA  
DE

# OBSTAGIO.

*Quam*

Divina adfistente gratia,

*Ex consensu & permissu Magnifici, Nobilissimi & Amplissimi Jctorum Ordinis in Illustri ad Salam Academia,*

Patrocinate

*Viro Nobilissimo Amplissimo Consultissimo*

**DN. ORTHOLPHO FOMANNO,**  
Jcto Eminentissimo, Professore hujus Academiae Publico Celeberrimo, Nobilissimae Facultatis Juridicae Decano Spectatissimo, Consiliario, Saxonico Gravissimo, Curiae Provincialis ac Scabinatus Assessore Dignissimo,

*Patrono Fautore ac Praeceptore suo, honoris & observantia cultu et atem prosequendo,*  
Publicae dimicationi exponit in Auditorio Jurereconsultorum

VALENTINUS Grunß Quedlinburg. Saxo.  
*Ad diem Junii.*

✠ ✠ ✠ ✠ ✠ ✠ ✠ ✠ ✠ ✠ ✠  
JENAE,

*Excudebatur Literis LOBENSTEINIANIS,*  
ANNO

M. DC. XXXIX.



*P. 49*



DISPUTATIO JURIDICA  
DE  
OBSTATIO.

Divina adhibente gratia

Exempli gratia  
Magistri

Patrocinatus

DR. ORTHOTHOLOMANNO

ICo Eminenti  
Professore


Publice

VALENTINUS

LENAE

Excelestis

Anno  
M. DC. XXXIX





## IN NOMINE DOMINI NOSTRI

Jesu Christi, qui & res penitus desperatas donare & eòsummare virtutis magnitudine potest *l. i. §. 2. C. de V. J. E.* ad omnia consilia omnesq; actus semper progredimur *l. 2. C. de off. Praef. Afric.*

### *Præloquium.*

**N**emo sane hominum in tanta rerum omnium abundantia vivit ut nullius opis ac auxilii aliquando egeat, sed cum hunc fortuna prospera Cræsum, illum adversa Irum elegerit, & nihil in humanis sibi sit sufficiens, factum est, ut mutua indigentia compulsi homines coire, in mansuetudinemq; venire coacti fuerint. Etenim dum nullus inveniatur qui sibi undiquaque sufficere queat, provida natura optimè cavet, ut quod aliis deest, aliis superesset *l. 1. pr. ff. de contr. empt.* Hinc dicitur, usu exigente & humanis necessitatibus omnes penè contractus fuisse introductos, ut emptio, venditio, locatio, cōductio, societas, depositum, mutuum & alii innumerabiles, *§. 2. Inst. de J. N. G. & C. l. ex hoc jure gentium §. ff. de J. & J.* Jura igitur ab initio statim commercia & contractus invenerunt, quæ faciliorem redderent vitam & societatem hominum in comparandis necessariis & distrahendis superfluis, ut scitè scri-

bit *Petrus Gregor. lib. 1. de Republ. c. 1. n. 21.* Neque enim ulla Respublica consistere potest, nulla hominum societas sine rerum permutatione mutuaque commutatione, inquit *Balduin. ad L. LXII. Tabb. c. 5.* Neq; ulla esse societas potest, nisi sit permutatio, neq; permutatio nisi sit æqualitas, neq; æqualitas nisi etiam sit commensuratio &c. *Aristot. lib. 5. Ethic. Nicomach. c. 5.* Cum autem in contractibus sæpe fides non seruetur, factum est, ut contractui pacium aliquod executivum sæpius apponi soleat: Quippe pleriq; ex inconsulta levitate promittunt *Hillig. in Donel. lib. 12. c. 11. lit. C. & ut Wesenb. in ff. de Pact. n. 9. ait.* Sæpe, dum nos alteri dare volumus, lingua præcurrit mentem: sæpiusq; ex affectione quadam potius, quam ἐμπροσθεν ἡμετέρας studia & officia nostra deferimus magis conciliandæ benevolentia quam obligationis inducendæ causa, § 2. *vers. ceterum si, ut plerumq; sermonibus fieri solet, dixit & c. Inst. de milit. testam.* Hinc nonnunquam inter contrahentes agitur, ut si constituto tempore debitum non solvatur aut debitor in mora sit, creditori liceat injicere manū in bona obligati, *Coler. de Process. Execut. part. 1. cap. 5. per totum:* interdum convenitur, quod æq; liceat in personam manū injicere, sicut in bona cum captura videlicet debitoris, quæ ipsa quoq; inter species executionis refertur, secundum *Br. in l. 15. qui Reipubl. 44. n. 3. ff. ex quibus causis major. per l. 1. & 2. de cess. bon.* Atqui ea ipsa executio, per detentionem personæ non est uni formis, sed diversimoda; quia vel agitur, ut persona debitoris, in eventum moræ, includatur carceri, de quo habetur *per Gloss. & Doctores*

*Flores in l. ob as C. de act. & obligat. c. lator extra de pi-  
 gnor. & notant Legistæ in l. creditores 3. C. de pignor.  
 Coler. d. part. 1. c. 6. n. 3. Berlich. part. 2. concl. 27. n. 1.  
 & seqq. Mynsing. cent. 6. obs. 51. Geil. 1. abs. 26. Novell.  
 Elector. August. part. 2. Const. 21. Vel convenitur,  
 ut ad creditoris instantiam Reus per judicis officium  
 arrestetur tamdiu, donec creditori satisfiat. *Mo-  
 lin in consuet. Paris. tit. 2. gloss. 1. verb. arrest. Coler. d.  
 l. Interdum debitor se ad poenam Excommunicati-  
 onis vel Banni Imperialis obligat, si in termino præ-  
 fixo non satisfaciat. Berlich. d. concl. n. 32. Geil. de  
 P. P. c. 2. Non ita raro etiam in stipulationem de-  
 ducitur, ut in casu non factæ solutionis debitor, ad  
 requisitionem Creditoris, ipsemet se sistat in con-  
 vento ac determinato loco, inde non recessurus do-  
 nec debitum solvat quod genus executionis in per-  
 sonam *Obstadium* vocamus, de quo habetur textus  
 in c. ex rescripto extra de jurejur. De quo Obstadio cū  
 animus sit pluribus agere: sisto, Bono cum Deo, the-  
 sin I.**

### THESIS I.



DE Obstadio igitur cum simus  
 cturi maxime necessarium esse duco, à  
 definitione oriri, quo eo facilius inno-  
 escat, quid sit, de quo disputemus; prout  
 illud eleganter monet Imper noster in l.  
 3. §. utrum ita 3. ff. de reb. dub. dicens: A-  
 ni madvertendum igitur est quid sit, de quo quaeritur. Cum  
 quo etiam convenit quod *Aristot. 3. metaph. c. 8. & Cic. l. 1.  
 de Orat. inquit: In omnibus disputationibus id fieri oport-  
 tere censeo: ut quid illud sit, de quo disputetur, explane-  
 tur, ne vagari & errare cogatur oratio, si ii, qui inter se dis-  
 senserint, non idem esse illud, de quo agitur, intelligant.*

A 3

II. Defi-

II. Definitur autem Obstadium, quod sit conventio quaedam desistendo & non recedendo ex certo loco, donec conventis satisfiat: *Hering. de fidejuss. cap. 17. n. 66. Coler. de process. execut. part. 1. c. 8. n. 4. Modestin. Pistor. part. 2. consil. 1. n. 9.*

III. Obstadium Germanicè dicitur, die leistung; & derivationem habet à vocabulo, leisten/ quod præstare significat. Ich will leisten was ich gelobet habe/ i. e. stabo promissis, seu conventa servabo, *Coler. d. l. n. 31. Hering. d. l. Geil. 1. obs. 45. n. 1. Dan. Moller. lib. 3. semestr. cap. 30.* Obstadium deinde dicitur die leistung; & puto, exinde; quia si pacta conventa, sub obligatione obstadii, non servantur, promittens wird in die leistung gefordert/ hoc est: admonetur per literas creditoris, ut se juxta obligationis formulam, in loco convento sistet, non recessurus, donec conventis satisfiat *Geil. d. obs. 45. n. 1. & ib. de P. P. cap. 2. n. 5. & 6. Scharb. l. ob. es. n. 5. C. de obligat. Coler. d. l. n. 3. Hering. d. loco.* Tertio etiam dicitur Das einretten/ & quidem inde, quia promittentes, nisi solutio in termino fieret, se quamprimum cum tot equis ac ministris, quot in tabula cautionis expressi essent, in locum conventum profecturos, nec prius inde discessuros, antequàm creditoribus sufficienter satisfactum esset. *Dan. Moller. lib. 3. semestr. cap. 30. Ioan. Köppen in decis. juris quæst. 3. in pr. Landrecht lib. 2. artic. 11. §. hat er auch jenem gelobet/ dafür einzureiten. Modestin. Pistor. part. 2. consil. 1. n. 2. ibi.* Soll nun in obligatione dandi der Bürge sich zu niches anders verpflichten können/ denn der Principal: so will folgen/ daß diese Bürgschaft zu recht unkräftig. Denn es haben sich die Bürgen nicht eben zu dem verbunden/ darzu sich der Principal verpflichtet. der Principal ist Geld schuldig/ und hat sich verpflichtet/ die vorgestreckten 600. fl. widerzugeben; die Bürgen aber haben sich zu keinen gelde verpflichtet/ sondern auß des gläubigers erfordern einzureiten.

IV. Sicuti autem ex jure gentium secundario (non verò ex jure naturali secundario nam unum esse  
jus

ius naturale, duplex verò jus gentium Treutl. rectè statuit) bella orta sunt & captivitates secutæ & servitutes, quæ sunt naturali juri contrariæ, dum ab initio omnes homines liberi nascebantur, & omnes penè contractus introducti sunt, de quo in præloquio fufius dictum est: ita Obftagii jus quoq; originem ex Jure Gentium traxit, quæ jura duraverunt usq; ad tempora Romani Imperii. Nam hostes devicti ab Imperio vel Imperatoribus, & econtra, cogebantur dare Obsides, ut pacem facerent & factum servarent, *Felin. c. ex rescripto 16. fall. 2. de jure jur. Hi exëplo eorum, qui apud hostes sunt l. eij9 qui 8. ff. qui testam. fac. poss. Arum. de jur. publ. vol. 1. pag. 224. Hillig. in Don. lib. 6. c. 5. l. 6. multa majora privilegia aut libertatem non habebant quam captivi, cum testari non possint nisi eis permittatur. l. 11. ff. qui testam. fac. poss. Schneidew. §. fin. n. 4. Inst. h. t. Sibar. ad Rubr. C. qui testam. fac. poss. vel non: n. 14. Vbi hanc rationem addit, quia servi non habent testamenti factionem l. 19. ff. h. t. Obsidem verò vel in Obftagio esse, est quandam speciem servitutis inducere, & donec Obsides sunt in Obftagio, habentur pro servis. Imò captivis comparantur & ipsorum bona non transeunt ad hæredes, sed fisco applicantur l. 31. ff. de jure fisci. Gothofred. ad l. 11. qui testam fac. poss. Meier in colleg. argent. h. tit. n. 6. Permittitur autem ipsis testari ab ipso Principe vel expressè vel tacitè *Gloss. d. l. 11. Sibar. d. n. 14.**

V. Nostro vero seculo cum inter nos Christianos servitus locum non habeat, *Rittershus. in. Nov. part. 4. cap. 7. n. 12. in. fin. Zas. ad tit. de Stat. hominum Bodin. 1. de Republ. c. 5. Treutl. part. 1. dis. 2. th. 2. l. E. & disput. 24. th. 11. l. F.* siquidem Germania ex Cornelii Taciti sententia in libello de moribus Germaniæ, veros servos nunquam habuit. *Geil. de pignor. obs. 8. n. 2.* Obsidum conditio melior & tolerabilior esse cœpit nec enim mutant statum, neq; libertatem amittunt, sed dantur in eum finem, ut pax firmetur & proservandis induciis. *Schönborn. lib. 6. c. 39. Geil. lib. 2. de P. P. c. 2. n. 12. Coler. de Process. Exec. p. 1. c. 8. n. 25.* Et non minus sunt tractan-

tractandi per omnia, quàm liberi homines arbitrio vide-  
licet boni viri unde & contractus inter vivos celebrare  
*August. Berous cons. 159. num. 10. vol. 3* item testamenta face-  
re possunt. *Bart. l. Obsides 11. ff. qui testam. fac. poss. Bl. l. 1. n. 19.*  
*C. de S. S. Eccles.*

VI. Quemadmodum autem inter cives seu priva-  
tos initi contractus, datis fidejussoribus vel pignoribus  
traditis: ita inter Belli Duces datis aut utrinq; aut ab al-  
tera parte obsidibus plerumq; firmanur conventa atq;  
stabiliantur, ut jam neutri parti à conventis recedere in-  
tegrum sit. Nam quando cum hostibus aut etiam cum  
aliis agitur & dubia fides adest, tunc dantur Obsides in  
hunc finem, ut metu custodiae, carceris, imò vitæ periculo  
dantes strictius obligentur ad conditiones pacis, foederis  
initas servandas. *Hering. de fidejuss. cap. 10. n. 282. Hillig.*  
*in Don. lib. 15. c. 48. lit. B in fin. Arum. de Jur. Publ. vol. 1. disc.*  
*28. n. 105.* Sic in foedere, inter Regem Galliae & Mauricium  
Electorem contracto, dabantur Gallo Obsides Christo-  
phorus Dux Meigelburgicus & Landgravius Philippus ju-  
nior *Steid lib. 24. Et ex hoc Arum. de Jure Publ. vol. 1. disc. 28.*  
*n. 104. & seqq.*

VII. Simili modo, quando quis magna cum pote-  
state ad Praefecturam à Principe emittitur, non inconsul-  
tum est, ut liberi illius, quasi Obsides paternae fidei in au-  
la retineantur & rationum reddendarum metu in officio  
contineatur *Asthus. cap. 20. Bodin. lib. 4. de Republ. fol. 688.*  
*Tboloz lib. 2. c. 10. n. 6.*

VIII. Dantur Obsides, prout in thesi 6. dictum est,  
tanquam fidejussores, adjecta tamen hac clausula, ut Obsi-  
des in poenam Capitaalem accipiantur *Hillig. lib. 6. c. 5. lit. E.*  
*in not. Arum. d. n. 105.* quæ tamen veteribus ignota fuit, quia  
semper jure licuit, Obsides, si illi, qui Obsidibus caverant, fi-  
dem fefellissent, necare, sed posteris hæc verba (ponso-  
nibus adjici placuit, ne Obsides ignorationem juris fecia-  
lis prætenderent, aut alienam culpam luere nimis crudele  
& acerbum dicerent. *Bodin, lib. 5. c. 6. Arum. d. loco.* Hinc il-  
lud



Iud apud *Livium decad. 4. lib. 3.* Philippum Macedonem pro pace cum Romanis habenda Obsides dedisse & inter alios quoq; filium Regium Demetrium, qui postea ad patrem reducendus ipsius legatis datus est, ut idem auctor *decad. 4. lib. 6.* scribit, Sic idem *Livius decad. 4. lib. 7.* restatur: Antiochum coactum fuisse, ut Romanis pro observantia pacis veluti aliquod pignus, viginti daret obsides, quos tamen unoquoq; triennio alteraret, & porro nullos daret qui vel minores octodecim annis vel quadraginta quinq; annis majores essent. Sic quoque cum Volsci fidem fefellissent Romani trecentos Volscorum Obsides securi percusserunt, teste *Dyonys. Halic. lib. 6.* Et Tarentinorum Obsides fugientes retracti ac virg's diu cæsi de Tarpejo dejecti sunt *Livius lib. 35.* Schenborn. *lib. 6. c. 39.*

IX. Obses nomen assumpsit ab obsidendo, eâ videlicet occasione, quod Obsessi quondam dabant vades & sponsores in publica causa pro servandis foederibus, quos Obsides appellant, prout ex præcedentibus pluribus videre licet. *Coler. de Process. execut. part. 1. c. 8. n. 5.* Hinc est quod volunt Doctores pro publica causa Obstadium promitti posse, non pro privata. *Bald. in l. ob. es. 12. n. 3. C. de obligat. & act. Felin. in cap. ex rescripto n. 6. in secunda fall. de jurejur.*

X. Verum enim verò argumenta illorum, qui Obstadium tantum in publica causa promitti posse, contendunt, quàm fortia etiam sint, non tantum tamen mihi posse videntur, ut illam Doctorum sententiam, tanquam veriore, scilicet, quod etiam inter privatos Obsides dari possint, vincere valeant.

XI. Cum a. veritas magis elucescat, si ex adverso falsitas seu pugnancia ei opponatur, & contraria seu pugnancia, magno Erasmo teste, prout eum vocat, *Everhard. in topic. loco à contrariis n. 6.* lumen orationi, & ut Græci dicunt, ἐπέγγειαν i. e. perspicuitatem seu evidentiam adferunt. Nullus enim clarius perspicit belli ma-

B

la &

la & calamitatem nisi qui eam cum pacis commodis confert. *l. un. in prin. C. de caduc. toll. Everhard. d. loco.* Igitur opere pretium esse duo cōtraria argumenta adducere. Contrario autem oblato, nemo statim cogitet, veram sententiam corrūte, sed habeat in conspectu, quod Justin. manet in *l. 2. §. contrarium C. de vet. jur. enucl.* ubi dicitur, debere aliquem pro defendenda veritate subtili animo diversitatis rationes excutere. Ut igitur id ipsum rectius administretur, & omnia ad veritatem inquirendam dirigantur, contraria deinceps erunt brevibus solutionibus refutanda.

XII. Qui inter privatos Obsides dari non posse statuunt, his potissimè utuntur argumentis: 1. Quia liber homo pro causa pecuniaria non poterit pignorari, etsi res defuerint, quæ possint pro debito addici, *c. 2. extr. de pignoribus*; & obligatio pignoris non consistit, nisi in his, quæ quis de bonis suis facit obnoxia, *l. 6. C. quæ res pignori.* Imò creditor, qui liberum hominem pignori accepit, relegatur *l. fin. ff. eod.* Sic jure Authenticorum, qui liberam personam præsumperit detinere vel pignorare pro debito, ultra poenam corporalem, cui subicitur, amittit etiam jus crediti, & refundit tantundem debitori, quem detinuit, *§. quia verò & hujusmodi Novell. ut nulli judic. 134. Sichard. in l. ob as C. de act. & obligat.*

XIII. Ratio 2. Quia liber homo non poterit tradi alicui ob debitum pecuniarium in servitutem, nec perpetuam nec temporalem. *l. ob as C. de act. & obligat. & ibi Sichard.* Nam libertas est res inæstimabilis, ut multa jura & res ipsa declarat, *l. 176. ff. de R. J.* Igitur illa permutari cum pecuniaria re, quantumlibet magna, non potest. Esse verò in Obstagio, est species quædam servitutis, quod patet ex *l. 2. ff. de liber. hom. exhib.* nam est servitus, cum non quid ex animi sententia, sed ex præscripto loco vel mandato agimus, *Sichard. d. l. n. 3. & 4.* Et continere videtur quasi speciem quandam captivitatis, & ita per id infringi jus libertatis, *l. Titio centum §. titio centum ff. de condict. & demonstr.*

monstr. Modestin. Pistor. vol. 2. consil. 1. n. 9. Joan. Koppen. in  
decis. juris quest. 3. n. 4.

XIV. Ratio 3. Quia nemo potest se, pro pecu-  
niario vel civili debito obligare ad carceres, si intra præ-  
scriptum terminum non solvat *l. nemo carcerem 2. C. de ex-  
act. tribut. l. non est singulis. 176. ff. de R. J. Geil. 1. obs. 17. n. 1.  
Mynsing. cent. 6. obs. 51. n. 1. & 2. Berlich. part. 2. concl. 27.  
Felin. c. ex rescripto n. 13. de jurejur. & carcer regulariter  
non est inventus, nisi ad custodiam l. aut damnum 8. §.  
solent, de Pœnis. At si probaremus pactum carceris,  
importaret pœnam, inò quasi hominis caro & corium de-  
duceretur in commercium inclusionis carcerum; prout  
loquitur Albert. Brunus de cessio. bonorum 5. quest. princ. quest.  
20. n. 5. Coler. de process. exec. p. 1. c. 6. n. 27. & 28. Hujusmodi  
verò obligatio, quando scilicet ad Obstadium se quis ob-  
ligat, continet quasi speciem quandam captivitatis seu  
carceris *l. succurritur 9. in fin. cum l. seq. ff. ex quib. caus. ma-  
jor. Geil. 1. obs. 45. n. 1. Modestin. Pistor. part. 4. quest. 138. n. 40.  
Nam carceri mancipatus dicitur non solum, qui in  
carceribus est, sed etiam qui extra carcerem ita angustè  
certo loco circumscriptus est, ut ab eo recedere ei sub  
pœna non liceat per text. *int. solutum ff. de Verb. Sign. & ibi  
Gædd. n. 3. Geil. d. pignorat. obs. 9. n. 3.***

XV. Rat. 4. Quia partes pacisci nequeunt, quod  
non fervetur juris ordo: tum quia de jure non possit in-  
choari processus ab executione, sed præcedere oportet cau-  
sæ cognitio & sententia *l. 1. C. de execut. rei judic. ubi Imp. pp.  
dicunt: Prius est ergo, ut servato ordine actionem ad-  
versus eum dirigas, & causa cognitâ sententiam accipias.  
Joan. Koppen. in decis. quest. 3. n. 6. Mynsing. cent. 6. obs. 51. n. 2.*

XVI. 5. Ratio. Quia sæpius favæ necessitatis vi,  
homines majora promitterent, si modò quicquam inde  
sperarent. Nam ut proverbium habet: Necessitas est in-  
genstelum, & ut Martialis *lib. 11. Epigram inquit: O quan-  
tum cogit egestas. Valer. lib. 7. c. 6 inquit Leges abominandæ  
necessitatis amarissimas esse. Hinc est quod Dd. volunt,*

tempore necessitatis furari licere. quam sententiam esse  
communem omnium Canon: & Theolog: *Hoënonius dicit*  
*d. sp. 18 th. 10.* Et propterea etiam in jure nostro dicimus,  
necessitatem non habere legem *c. quod non est extr. de R. J.*  
*c. 2. §. fin. de observat. jejun. c. quanto de consuetud. l. item*  
*quamvis ff. commun. divid. Geil. 1. obs. 102. n. 8. & de P. P. l. 2.*  
*cap. 2. Mynsing. cent. 6. obs. 30. n. 5. in fin. & Tiraquell. latè in*  
*tract. de pœnis causa 33 per totam.* Possunt igitur ita quidem  
in tali necessitatis casu pacisci, verum pactum tale servare  
non coguntur: siquidem pacta, quæ contra leges vel bo-  
nos mores fiunt, nullam vim habere noscuntur *l. pacta §. C.*  
*de pactis.*

XVII. Quod autem in publica causa obstagia va-  
leant, ratio hæc dari poterit: quia multa favore Reipubli-  
cæ conceduntur, quæ alias non concederentur, textus est  
in *l. isa vulneratus vers. multa a. ff. ad Leg. aquil. l. utilitas C.*  
*de primipilo.* Et publicæ res semper sunt præferendæ pri-  
vatis, *l. 43. ff. de relig. & sumpt. fun. Sic Gothofred. ad l. 2. C. de*  
*patrib. qui filios distr. lit. E. dicit: Vendi liber homo regula-*  
*riter non potest, ut hic nec obses dari, nisi pro Publica cau-*  
*ca. 2.* Quia etiam in Principe tanquam fonte justitia, con-  
stans voluntas esse debet. Convenit enim Principibus  
verbum illud (semel locutus est Deus) & quod scripsi, scri-  
psi: ideoq; Princeps unum debet habere calamũ & unam  
linguam & non plures, *Geil. 2. obs. 55. n. 3. & 4.* Inconstan-  
tia vero & variatio in Principe maximoperè reprobatur.  
Fraus cum omnibus facta est, inquit *Thucydides lib. 4. histor.*  
*tum verò iis, qui majori dignitate præditi sunt, imò fœdior*  
*quàm aperta violentia, quia vis jure potentia, quam for-*  
*tuna dedit, infertur; fraus verò ab insidiis injusti propositi*  
*grassatur.* Sic heroicè *Franciscus I. Galliarum Rex* qui-  
busdam respondit: Etiam si fides toto orbe exulet, Regi-  
bus tamen tenendam esse, qui nullo metu, nullâ pœna nisi  
virtutis & fidei reverentiâ, ut eam præstent, cogi obstrin-  
giq; possint; quo nomine etiam *Theodosium Imperato-*  
*rem Pacat. in Panegy. laudat, cujus tam certa beneficia,*  
fuisse

fuisse scribit, ut tam accepta viderentur, quam sponderer nec vota hominum falleret, *Arum. ad A. B. discurs. 5.*

XIIX. Verum ab hac Doctorum opinione recedentes illis nos adjungimus, qui statuunt hujusmodi obstagii pactum in causa civili inter privatos valere, quo scilicet debitor promittit, in casu non factæ solutionis se hæsiturum in certo & nominato loco, neq; inde moturum vestigia, donec creditori satisfactum sit. Et nostræ opinionis patronum habemus magnum illum Colerum, in *tract. de Process. exec. part. 1. c. 8 per totum.* Qui in Elogio suo inter primos sui seculi Jureconsultos summus vocatur. Ut & *Joan. Koppen. in decis. jur. quest. 3 n. 8. Modestin. Pistor. vol. 2. cons. 1. n. 11. & Quest. part. 4. quest. 138. n. 22. Hering. cap. 17. n. 66. & seqq. Wesenb. π. de fidejuss. n. 5. Geil. 1. obs. 45. de P. P. lib. 2. c. 2. n. 5. & seq. Mynsing. cent. 6. obs. 51. n. 7. & seq. Treutl. part. 2. disp. 28. th. 4. lit. F. Hunn. ad Treutl. d. lit. F. à quibus tamen divortium facit, Bachov. ad Treutl. eodem loco.*

XIX. Nec desunt etiam fundamenta, ac rationes sat ponderosæ & firmæ, quibus idiptum sufficienter clarum reddi posset, quas paucis tantum modo tangemus. Sit igitur 1. Quod potest fieri per legem, idem fieri potest per pactum, *l. non impossibile 50. ff. de Pactis.* Leges vero permittunt, ut aliquis detineri possit, donec Domino seu Actori satisfiat, *l. 3. §. si quis eum ff. de lib. hom. exhib. l. 1. C. qui bon. eod. pos. §. dominus 3. Inst. de noxal. act. Ioan Koppen. d. l. n. 11. Mynsing. d. obs. 51. n. 3.* Deinde cuilibet permittitur obnoxium capere fugientem, *l. 1. C. ubi quis decur. vel cohor. l. generali lege 54. C. de decur.* imò propriâ autoritate licet capere debitorem fugientem, vel de fuga suspectum, eumq; tantisper detinere (scilicet in publico loco) donec solvat aut satisfaciatur, *l. ait Prator 10 §. si debitorem ff. que in fraud. credit. Idem locum habet in vagabundo, quia qui vagabundus est, nusquam habitat; textus notab. in *Lej9 qui §. si quis domicilio ff. ad municipal. & in l. penult. ff. de serv. ex part. ideoq; ubicunq; locorum in Imperio forum sortitur**

& conveniri potest, text. in l. dies cautio §. Prætor ait ff. de  
damn. infect. Gloss. in l. 1. C. ubi de crim. agi oport. in verb. re-  
periuntur. Itaq; solet Imperator ad prec. s. creditorum  
contra vagabundos, fraudulentos & latitantes debitores  
diplomata sive literas patentes (offene Befehlich) decer-  
nere in eum finem, ut ubiq; locorum in toto Imperio pre-  
hendi & juri listi possint; Das sie auff recht all. nichalbeit  
im N. Reich angehalten werden mögen. Gerl. 2. obs. 44. n. 13.  
Sic quoq; jure gentium conceditur aliquem nedum ca-  
pere sed etiam detinere & servare, l. 4. ff. de stat. hom. §. 2.  
Inst. de jur. pers. Ergo & per pactum quod est juris gen-  
tium l. ex hoc jure gentium ff. de just. & Jur. Mysing. d.  
l. n. 4. & 5.

XX. Secunda Ratio est; Quia obstagium, ut ex  
definitione patet, est conventio quædam &c. Iam verò  
humanæ fidei nihil tam est congruum, quam præstare  
id, quod partes inter sese pactæ sunt l. ex empto ff. de action.  
empti & l. hujus edicti 1. ff. de pact. Nec in plebejis minus  
atq; in publicis aut illustribus personis exuberare debet  
fides d. l. 1. de Pact. & l. 1. de const. pecun. l. 20. C. de transact. Col.  
d. cap. 8. n. 15. imò pacta ex bona fide facta legi tamen inco-  
gnita valent. l. 1. §. que depositis ff. de depositi. Insuper hic lo-  
cum habet, quod dicitur pacta facere licitum, quod alias  
erat illicitum. C. 1. extr. commodato C. contractus ex conven-  
tione de R. 7. in 6. Nam Prætor ait pacta servabo l. 7. §. ait.  
Prætor. ff. de Pact. & ex his ut Ictus in l. in iis §. Imperator  
de solut. diserte ait, naturaliter debetur: hoc est jure gen-  
tium l. cum amplig 84. ff. de R. 7. seu jure gentium obligatio  
existit. l. 1. in fin. ff. de pact. l. 1. in fin. de contrab. empt. Wesenb.  
π. ff. de Pact. n. 9.

XXI. 3. Rat. Quanquam liber homo regulariter  
non possit Obses dari nec poni in Obstagio, Felin. d. cap.  
ex rescrip. n. 6. de jure jur. tamen certi ac indubitati juris est,  
quod quilibet juri suo pro se introductio renunciare pos-  
sit. l. si quis 29. C. d. Pact. Et qui vigore pacti sibi ipsi legem  
dixit, jure suo usus existimatur l. 1. & 2. C. si serv. expert. ven. l.

1. C.

*l. C. si mancip. ita fuer. alien.* Ratio hæc est: quod qui ipse sibi specialiter in omnem eventum cavet, cautelis juris non indiget *l. 1. § si convenit. 6. ff. de deposit. l. & habet 15. §. cum quis de re ff. de precar. l. 2. C. de execut. rei jud.* Voluntas fiquidem domini excusat factum *l. qui ratiario 30. ff. de pignoratit. act. l. 6. ff. de pact.* Et alibi dicitur: Conventionem partium, Præsidali iussioni æquiparari. *l. 1. C. si in causa iudic. pign. cap. l. pignoris causa 11. C. de pignoratit. act.* Sicuti autem vim non committit, qui Prætoris iussu ac mandato possessionem ingreditur *l. 11. ff. de acquir. vel amit. poss. nec dolo malo facere videtur l. 167. de R. J.* itaque; à vi vel dolo malo excusatur, qui ex pacto aliquid agit *Bart. in. l. creditores 3. C. de pignor.*

XXII. 4. Probatur insufficienter ex 6. ex rescripto extr. de iurejur. *l. 2. C. de patrib. qui fil. distr.* Cujus legis vi pater filium proprium in casu necessitatis vendere potest. Ergo ipsi quoque; licebit filium Obsidem dare. Cui enim licet quod majus est, licebit utique; quod minus est, *l. 21. de R. J.* Ioan. Köppen. in d. decis. quest. 3. n. 10. Felin. d. cap. ex rescripto n. 5.

XXIII. 5. Propter bonum finem: Cujus autem finis bonus est, illud ipsum bonum est. *Aristot. 3. Topicor.* imò finis nobilior omnibus, quæ sunt ad finem, *l. cum aurum 19. §. perveniamus ff. de aur. & argent. leg.* Obsides verò dantur ut creditores magis de fide servanda certi sint, & eò citius solvatur. Hinc Festus vocabulum Obsides vult compositum ex ob & fides per mutationem literæ, ac dici Obsides, quasi ob fidem datos.

XXIV. 6. Quia non minus etiam in Imperio Romano antiquioribus constitutionibus Obstadium fuit concessum, uti patet ex constitutione Imperiali Auguste Anno. 1548. edita tit. vom wucherlichen contracten. §. verba sic habent: So auch in geldverschreibung auff Bürgen in Leistung zu mahnen gestelt were oder würde; wollen wir hiermit geordnet haben / daß dieselbige verschreibung nicht auß dem heiligen Reich Teutscher nation  
ver-

percussere / noch der Verkäufer oder Bürgen so dem Reich  
unterworfen / daraus eingemahnet werden sollen etc. ubi fi-  
dejussores ad Obstagia obligati extra fines Imperii vocari  
prohibentur, consequenter ergo per ratiocinationem à  
cōtrario sensu intra fines Imperii illud concessum fuisse  
nullum est dubium. Cum unius exclusio alterius sit  
inclusio & e contra l. cum prator 12 ff. d. iudicis & ubi quisq;  
Iosuper argumentum à contrario sensu in jure est fortis-  
simum ut dicit Ictus in l. 1 ff. de off. ejus cui mandat. est ju-  
risd. & ibi Gloss. in verbo fortissimum l. 18 ff. de testib. Everhard.  
in locis legal. loco à contrariis n. 1. Sic etiam alias dicitur pro-  
hibitum ad certum tempus post illud tempus ceteri per-  
missum l. pater §. fundum de legat. 3. Idem ergo in eo, quod  
prohibetur ratione certiloci. Nam à tempore ad locum  
lape arguunt §. Cri l. si merx. 4. ff. de condict. tritic. Modestin.  
Pistor. conf. 1. n. 16. Geil. 2. obs. 45. n. 1.

XXV. 7. Etsi nullo alio jure demonstrari ac pro-  
bari possit, valere pactum Obstagii inter privatos, quam  
de consuetudine, consuetudo tamen habetur pro lege.  
l. 32. l. 33. ff. de legib. Sic dicit Justin. in §. ex non scripto Inst.  
de J. N. G. & C. Diuturni mores consensu utentium ap-  
probari legem imitantur, cum quo consentit Ictus in l.  
35. ff. de legib. Quæ longa consuetudine comprobata sunt,  
ac per annos plurimos observata, velut tacita civium con-  
ventio, non minus, quàm ea, quæ scripta sunt, jura servan-  
tur, imò consuetudo cujuslibet loci legibus scriptis & ju-  
ri communi derogat, l. 2. C. quæ sit longa consuet. Pistor. d.  
l. n. 12. Obstagiis verò consuetudo ferè sola observandi  
auctoritatem peperit, ut inquit Felin. d. cap. ex rescripto n.  
8. versu tamen sustentabilius puto dictum Baldi & c. Sic ho-  
rum Obstagiorum usus, teste Geilio in Germania inter  
Nobiles præsertim, non est infrequens, & si in causa ci-  
vili, puta mutui vel alterius contractus, pacta conventa  
sub Obligatione Obstagii non servantur, debitores vel  
eorum fidejussores, werden in die Leistung gefordert / hoc  
est, interpellantur hiteris creditorum, ut se juxta obliga-  
tionis,



tionis formulam loco & tempore convento sistant, non  
recessuri donec promissis satisfaciant: non sistentes se, fa-  
mosis picturis publicè ubiq; affixis mirabiliter traducunt,  
diffamant tanquam perfidos & perjuros, ut qui fidem da-  
tam & promissam contra officium boni viri fefellerint.  
*Coler. d. cap. 8. n. 67. Geil. de P. P. l. 2. cap. 2. n. 6. § 1. obs. 10. n. 8.*  
*Hering. de fidejuss. cap. 19. n. 93.* Et talia Obstagia in Camera  
sapius approbata esse, inquit *Geil. 2. obs. 45. n. 1.*

XXVI. 8. Sic quoq; Obstagium valet & conser-  
vandum est, de Jure Saxonico communi, per text. *art. 22.*  
*lib. 2. § art. 11. incip. wer Eyde gelobet in fin. lib. 1. Landrecht*  
seu speculator: ubi dicitur, eum, qui sub Obstagio debet  
pecuniam, liberari ab Obstagio, si ad diem solutioni di-  
ctum pecunias debitas offerat, creditor autem acceptare  
recuset, etiamsi interim à debito ipso haudquaquam li-  
beretur. Igitur iterum à contrario sensu argumentari  
commodè poterit, si non offert pecuniam, ad Obstagium  
manet obligatus. *Moller. semestr. lib. 3. cap. 30. n. 3. Modestin.*  
*Pistor. part. 4. quest. 138. n. 24.*

XXVII. Nec obstant, quæ à dissentientibus in con-  
trarium sunt adducta: ad 1. enim argumentum hoc mo-  
do responderi poterit? Liberum hominem non ita obli-  
gari, ut servus fiat, aut in eo jus reale constituatur tanquam  
in pignore, ita ut possit eum locare & pignorare aliis, ta-  
lia enim fieri prohibitum est, & pœnam merentur, sed eo-  
usq; tantum ut detineatur, donec fiat quod pacto con-  
ventum est. *Bald. l. 2. n. 9. C. de patrib. qui fil. distr. Felin. in*  
*d. cap. ex rescripto n. 7. Geil. de P. P. lib. 2. c. 2 n. 7. Ioan. Koppen.*  
*d. quest. 3. n. 13.* Deinde respondet, *Coler. d. l. n. 6. ad Novel.*  
*134.* dicendo, loqui nempe illam de non consentiente, ut  
non possit invitus detineri, secus verò volens, cui non fit  
injuria, *l. cum donationis C. de transact. l. 1. §. usq; adeo, de injur.*

XXVIII. Secundò respondetur negando scilicet,  
quod Obses in servitutem detur, & quod per illam obliga-  
tionem jus libertatis infringatur, nam poterit sese solven-  
do statim liberare & facultatem recedendi consequi. Igi-

tur non detinentur in causam servitutis aut alicujus ministerii, sed ut liberi homines, ut pacta tantummodò solidi ferventur, *Coler. d. cap. 8. n. 10. Modestin. Pistor. vol. 2. cons. 1. n. 16. Felin. d. cap. ex rescripto n. 9. Geil. 2 obs. 25.* Itidem dicit *Bart. l. 1. n. 5. C. qui bon. ced. poss. carceratum debitorem non effici servum alterius, cum solvendo vel bonis cedendo liberari possit.*

XXIX. Tertio iterum negamus, quod nemo possit pro pecunia ad carceres se obligare, sed distinguendo illud omninò affirmamus. *Sic Zasius singul. respons. lib. 2. c. 8.* dicit pacta valere, ut debitor post moram carcerari possit, quia inquit carceri aliquem includere pro debito per magistratum, non est actus illicitus, sed à jure permissus, *l. 1. C. qui bon. ced. poss.* si igitur est actus licitus, utiq; in pactum venire potest *Geil. de P. P. l. 2 c. 2 n. 8. Hunn. ad Treut. vol. 2. disp. 28 tbs 4. l. F. Coler. d. part. 1. c. 6. n. 45. Mynsing. cen. 6. obs. 51. Berlich. part. 2. concl. 27. n. 7. & seqq.* ubi dicit, disertis verbis ab Augusto Electore constitutum esse, quod tale pactum valeat, & debitor in casu moræ se ad carceres obligare possit, modò creditor non propria autoritate, sed per ministros publicos, eum capi & carcerari faciat: & illud non tantum in viris, sed & in mulieribus obtinere. *Novel. Elect. part. 2. const. 21. & ibi Dan. Moller. in comm. n. 8. Secus verò de jure civili Hering. de fidejuss. c. 17. n. 27. & Berlich. d. l. n. 11.*

XXX. Quarto respondemus regulariter quidem processus non debet inchoari ab executione, verum fallit, si aliud pacto est introductum. Nam si in hoc semel concordaverunt partes, quod ad executionem paratam procedatur, absq; ordine judiciali, Prætor nullo alio discusso justam partium conventionem sequi debet *l. tale pactum 40. §. qui provocavit ff. de pact. Coler. d. part. c. 5. n. 79. & seqq. Felin. d. cap. ex rescripto n. 14.* ubi videre licet, in quibus hæc regula non procedat.

XXXI. Ultimò respondemus: Absolutam & præcisam necessitatem legem non habere; verum hæc necessi-

cessitas talis non est; siquidem debet aliquid operari, unde se sustentare possit, vel potius mendicare, quam fidem fallere. *arg. c. clericus victum & c. clericus quilibet distinct. 91. juncto c. cum voluntate §. predicatores in fin. extra de sent. excom. Coler. d. c. 8. n. 96. & quis perversorum non prætersurus esset necessitatem, qui vel laborare, vel alio modo honestè se alere nolit.*

**XXXII.** Cum autem non tantum à debitoribus principalibus, sed & ab ipsorum fidejussoribus Obstagia promittantur, *Treutl. d. disp. 28. lit. F. & ad eum Hunn. ibid. quest. 30. Dan. Moller. semestr. lib. 3. cap. 30. Hering. d. c. 17. n. 66. Coler. d. c. 8. n. 11. & seqq.* Major dubitatio residet, an hi possint sese ad Obstagiū obligare, dissentientes talibus utuntur argumentis, Fidejussorem nempe non posse in aliam rem obligari, quam principalis, *l. si ita fidejussorem 42. ff. de fidejuss.* sed cum obligatio principalis consistat in dando, (quod indubitati juris est: siquidem in contractu mutui versatur obligatio dandi, quia mutuum inde nomen accepit, quod de meo fit tuum *l. 2. §. appellata. si cert. petatur.* Unde & dicit *7 Cetus in pr. illius l.* quod in mutuo non recipiamus eandem speciem, sed idem genus. Hinc est, quod mutui datio, *ut ibi §. 1. consistat* in his rebus tantum, quæ pondere, numero, mensurave consistunt, quia earum functione in creditum ire possumus, per solutionem magis, quam speciem, quia ita datur pecunia, ut accipientis fiat, & quandoq; non eadem res, sed alia, ejusdem naturæ & qualitatis reddatur, *§. 1. Inst. Quib. mod. re contrah. oblig.*) Hæc autem, scil. fidejussoris, in faciendo, quæ sunt diversæ species *l. stipulationum 2. in pr. & l. 75. §. 7. ff. de Verb. Oblig.* Videtur negari non posse, quin fidejussores hoc casu ad aliam rem sint obligati. *Pistor. d. quest. 138. n. 3.*

**XXXIII.** Nec insuper obligari posse in causam graviolem *l. Grace 9. §. 7. & ibi Bart. l. 17. §. 1. ff. de fidejuss.* Sic dicit *Moller. d. c. 30. n. 2.* illud commune esse in universis, qui pro aliis obligantur, ut si fuerint in duriolem causam adhibiti, omni modo non obligentur. *d. l. Grace: duriolem*

autem multis modis hoc pacto fidejussorum causam fieri  
negari non posse; cum ipsa experientia abundè testetur,  
quanto cum detrimento, non facultatum tantum, sed &  
valetudinis, & aeternæ non rarò etiam salutis, fidejusso-  
rum, & illorum, quos illi secum adducere solent, hujus-  
modi obligatio sit conjuncta.

XXXIV. Verùm respondemus r. cum *Pistorio d.*  
*conf. 1. n. 21. l. istam 42.* loqui de alio & separato casu, ubi  
nempe fidejussor se ad aliud obligarat quàm principalis  
debitor, scilicet, ad frumentum, hic verò ad pecuniam.  
Hoc loco autem fidejussorem in aliam causam non obli-  
gari. *Pistor. d. conf. 5. d. quest. 138. n. 7.* Equè enim se obli-  
gat ad solutionem, vel in casu moræ ad *Obstagium Coler.*  
*d. c. 8. n. 13. & seqq.*

XXXV. Ad alterum responderetur: Etsi fidejussor  
non possit in causam graviolem obligari, tamen potest  
efficacius & firmitus, quàm debitor ad eandem fidejussor  
*l. quod enim l. Marcellus ff. de fidejuss. Locamer. in notis ad Inst.*  
*tit. de fidejuss. §. 1. l. D. causam obstringi: puta instrumento;*  
quod executionem habet paratam *Bart. in l. si quin. 11. ff.*  
*de fidejuss. Bl. in l. 6. C. Mandati.* aut adjectione alicujus pœ-  
næ, vel facti *Gl. in l. 66. ff. de fidejuss. Wesenb. in n. b. r. n. 5.*  
*Treutl. d. d. sp. 28. l. F. & ibidem Hunn. Pistor. d. quest. 138. n. 8.*  
Sic pro debitore simpliciter obligato, per instrumentum,  
contra quod nulla de jure communi proditur parata exe-  
cutio, *l. minor 25. annis cui fidei commissum 40. ff. de minor.*  
Fidejussor in eventum moræ principalis executivè se obli-  
gare potest. *Bart. in l. 34. n. 2. ff. de fidejuss. l. Marcellus ff. ibid.*  
*l. 127. in fine de V. O. Coler. d. part. 1. C. 10. n. 406.* Neq; cau-  
sa durior est, siquidem facilius est facere, quam dare *Gloss.*  
*in l. un. verbo damnum C. de sententiis qua pro eo quod inter-*  
*est: & si ipsis Obstagium est damnosum, possunt sese sta-*  
*tim solutione debita ab hoc liberare l. 62. ff. de fidejuss. Pi-*  
*stor. d. quest. n. 7.*

XXXVI. Præjudicium quoq; affert *Pistor. d. l. n.*  
*ii, in causa Anthonii Beust, contra Johannem Sternberg*  
quæ

quæ missa est ad facultatem juridicam, Anno 1564. men-  
se Augusto, in qua facultas habuit ejusmodi obligatio-  
nem pro valida, & ex ea condemnavit fidejussorem con-  
ventum.

XXXVII. Sic etiam dicit *Hering. d. cap. 17. n. 76.*  
mulierem etiam fidejubendo se ad Obstadium obligare  
posse, sed illud fit tali modo. *In fall aber ich od meine mit-  
beschriebene seumig würdē/wil ich nach der Gleübiger willē/  
ynd gefallen auff erfordern einen Ehelichen Fürnehmer/  
Man gen N zum einleger schicken etc.* Nam ipsam in Ob-  
stadio in publicis divertoriis, sive popinis hæere, admo-  
dū fore et scandalosum *argum. l. optimam. vers. quas naturalis  
pudor non omnibus C. de contrah. stipul. & auth. hodie C. de  
custod. reor.*

XXXVIII. Præterea hoc loco dubitatio non exi-  
gua occurrit, an nimirum fidejussor obligatus ad Obsta-  
gium, in eventum non factæ solutionis, si exigatur pro sa-  
tisfactione videlicet crediti, vel pro ingressu Obstadii, re-  
quisitus, possit excipere de prius excutiendo principali?  
*Et Respondet Coler d. p. 1. c. 10. n. 405.* eum audiendum non  
esse, quantumvis Authentic. præsentem *C. d. fidejuss. non fu-  
erit specialiter renunciatum. Et est text. in d. c. ex rescripto  
ib. dedit Monachos & uxorem fidejussores, junctis verbis,  
conventionem faciatis adimpleri.*

XXXIX. Nec minus hæc quæstio hoc loco nota-  
tu digna est, An videlicet pluribus fidejussoribus Obsta-  
gium ingressis, in aliquo diversorio, quos habitâ fide de-  
pretio, hospes per annū jam exhibuerat & alimentaverat,  
unus ex illis satisfaciendo hospiti de sua parte, pro expēsis  
liberet suam fidem, ita quod dominus hospitii ipsum di-  
mittere cogatur, absq; eo quod solvat etiam pro sociis?  
Et Neg Si nempe se in solidum obligarunt, cum renuntia-  
tione Epistolæ D. Hadriani, sicut unus solvendo partem  
suam, non liberat fidem suam, nisi de quotis etiam confi-  
dejussorum satisfaciatur: Ita idem est in accessoriis hujus-  
obligationis in effectu nempe Obstadii, ut ipsi pedem  
inde movere non integrum sit, nisi pro expensis tam suis,  
quam aliorum, etiam Obstadiatorum & correorum de-  
bendi,

bendi, satisfaciat. *arg. l. 178. ff. de R. J. c. accessorium extr. eod. in 6. Coler. d. c. 10. n. 413.*

XL. Quantumvis autem debitor principalis detineatur, non liberatur tamen exinde fidejussor, quin is etiam capi possit, sic etiam quantumvis creditor missus sit in possessionem bonorum debitoris, fidejussor tamen nihilominus æquè, ut prius obligatus, remanet *Coler. d. l. n. 40.* Siquidem electio unius remedii executivi non præcludit viam aliis, quando per primum non est satisfactum creditori, *Angel. in l. qui restituere 68. n. 3. ff. de rei vindic.*

XLI. Valet Obstadium & observandum est, non tantum si jurato, sed & si absq; Jurisjurandi religione sit promissum, cum non tam consideretur ipsum juramentum, quàm interpositio fidei pro præstandis conventis. *Coler. d. l. n. 11. Pistor. d. quest. 138. n. 23. Felin. d. cap. ex rescripto n. 20.*

LXII. An cessio bonorum liberet debitorem ab Obstadio, inter Doctores controversatur. Nos salvis aliorum judiciis, facimus cum *Geilio l. 2. c. 45. n. 6.* Qui, debitorem per legitimam cessionem ab Obstadiis liberari, statuit.

XLIII. Poterit autem Reus extrajudicialiter interpellari per creditorem, ut conventionem Obstadii adimpleat, si verò requisitus se sistere nolit, judex rei adiri poterit, ut compellat debitorem, præstare conventiona solvere nempe, aut præstare Obstadium.

LXIV. Obses nihil amplius habens facultatum, unde hospiti de precio cibi satisfacere possit, cui propter inopiam hospes denegat ulteriora alimenta, an excusari possit, si recedat ab obstadio, dubitationem non minimam affert? Ita quidem ait *Coler. d. l. n. 69.* sed postmodum addit, rectius & consultius esse, cum consensu creditoris hoc facere.

LXV. Cæterùm, cum magnus Obstadium abusus sit, illaq; extremo debitorum malo, & nullo creditorum commodo fiant. *Geil. d. obs. 45. n. 6.* imò nil nisi meræ crapulæ & heluationes sint, *Hering. d. l. n. 69.* Siquidem ut

*Dan.*

*Dan. Moller. d. c. 30. n. 7. ait: Mos in eo consistit, ut, nisi illi, qui ita obligati sunt, unà cum iis, qui officii & honoris causa ad ipsos ventitant, toto tempore durantis Obstagii, nulla prorsus sumtuum habitâ ratione (id enim plerumq; expressè literis cautionum inseri solet) dies noctesq; cibo & potu se ingurgitent, & vel dimidium saltem diem ab helluationibus cessent, pactis non satisfacisse videantur: & fateretur, ipsum vidisse aliquando in hospitio publico, in quo quidam erant in Obstagio, in eo conclavi, quo illi utebantur, vitra vino & cerevisiâ plena supra mensam suspensa, ne quis fortè ingrediens, ut ajebant, cōtra legem conventionis vinum & cerevisiam in promptu non esse causaretur. Quâ ratione brevissimo tempore tantum pecuniæ in Obstagis consumptum est, ut quantitatem crediti longè superaret, nec tamen eò magis creditori satisfactum, quin potius, quibus antea difficile erat solvere, eos prorsus non solvendo factos. Igitur novissima Constitutione Imperii Anno 1577. tit. 17. rub. von wucherlichen Contracten §. wiewol auch in des heiligen Reichs Policey Ordnung etc. Obstagium sublatum est. Vti etiam Elector Saxonix per omnes suas provincias abrogavit. const. 22. part. 2. §. wir wollen auch etc.*

Et sic hujus disputationis Terminalia sunt.  
Deo sit laus in secula seculorum! Amen.

---

*Præstantissimo & Eruditissimo Dn. Respondenti, SSt: Legum cultori indefesso, Amico suo plurimum dilecto.*

**D**um celebrant alii torpentia templa Vacunæ,  
Pulvinarq; Erebi molle furentis amant:  
Desidiæ fugitans, adiosa sacella Themistæ  
Ingredieris, Gruntzi, Floscule clare Dices:

In-

186.

Ingeniūq; novos foetus exponis, aperta  
Præclaræ mentis quæ documenta tuæ.  
Fribitus opto tuis tot prospera dona Camœnis  
Hortis quot riguis lilia Flora serit.  
Promoveat Zephyrus fortunæ vela benignus,  
Ut portus cymbam mulceat alma quies.

gratulationis ergo

L.Mtoq;

scribebat

*Ortholphus Fomann D.*

PRÆSES.

---

Eximio Dn. Respondenti Amico suo  
charissimo S. P.

**P**ropugnare Themis privo conamine doctus,  
Publica conscendis pulpita, sacra loca;  
Et quam privatim crebro defendis, aperto  
Fortiter hac illam Marte tuere die:  
Conatus laudo, Grunzi, ferat, opto, fidei  
Publica Cultori premia Sacra Themis

deproperabat

*Godfried Fiebig D.*

FINIS.

Ad Lectorem.

**P**relo nimis festinante, præter omnia commata, & alia plura,  
sequentia potiora, irreperunt sphalmata; In prologo, fie-  
runt, pro fuerint, innumerabiles pro innumerabiles; th. 1. oriri,  
pro ordiri. th. 3. sistet pro sistat; auct pro auct. th. 5. & factum, pro  
vel pactum. th. 6. obsididus pro obsidibus, th. 7. Asthus. pro Alibus:  
th. 11. duo. pro duco. th. 13. quid pro aliquid. th. 17. Justitia pro Ju-  
sticia. th. 18. hesitatum, pro hesitaturum. th. 19. libr. pro liber: &  
eod. pro ced. th. 24. enotario pro contrario.



ULB Halle  
005 132 630


3



VDA7







~~24~~ 23.

*Fin. num. 4. 240. 34.*

*1639, 4<sup>b</sup>*

*6/*

DISPUTATIO JURIDICA  
DE  
**OBSTAGIO.**

*P. 49*

*Quam*  
Divina adfistente gratia,  
*Ex consensu & permissu Magnifici, Nobilissimi & Amplissimi Jctorum Ordinis in Illustri ad Salam Academia,*

Patrocinate

*Viro Nobilissimo Amplissimo Consultissimo*

**DN. ORTHOLPHO FOMANNO,**  
Jcto Eminentissimo, Professore hujus Academiae Publico Celeberrimo, Nobilissimae Facultatis Juridicae Decano Spectatissimo, Consiliario, Saxonico Gravissimo, Curiae Provincialis ac Scabinatus Assessore Dignissimo,

*Patrono Fautore ac Praeceptore suo, honoris & observantia cultu et aetate prosequendo,*  
Publicae dimicationi exponit in Auditorio Jurereconsultorum

VALENTINUS Grunz Quedlinburg. Saxo.

*Ad diem Junii.*

✠ ✠ ✠ ✠ ✠ ✠ ✠ ✠ ✠ ✠ ✠  
JENÆ,

*Excudebatur Literis LOBENSTEINIANIS,*

ANNO

M. DC. XXXIX.

